



Headlines

- उपराज्यपाल मनोज सिन्हा होरें पंचैत राहें सेवां उपलब्ध करोआने सरबन्धी सेवा से समृद्धि कार्यशाला गी संबोधित कीता ते 3 स्तरीय पंचैती राज प्रणाली राहें होए दे समावेशी विकास गी उजागर कीता।
- मुख्मन्त्री उमर अब्दुल्ला होरें अज्ज श्रीनगर दे सिविल सचिवालय च मंत्रिमंडल दी बैठक दी अध्यक्षता कीती।
- मौजूदा ब'रे च श्री माता वैश्वो देवी जात्तरा करने आहले श्रद्धालुएं दी गिनतरी 50 लक्ख दा आंकड़ा पार करी गई ऐ।
- जम्मू-कश्मीर पुलस नै औंदी श्री अमरनाथ जात्तरा लेई ट्रैफिक ते यातायात सरबन्धी परामर्श जारी कीता ऐ।
- ते सुरक्षाबलें श्री अमरनाथ जात्तरा 2026 दी तैयारियें दे इक हिस्से दे तौरा पर जम्मू आहले आधार शिविर च इक व्यापक माकड्रिल दा सरिस्ता कीता।



LG-Seva Se Samridhi

उपराज्यपाल मनोज सिन्हा होरें अज्ज केंद्री पंचैती राज मंत्रालय ते जम्मू-कश्मीर प्रशासन आसेआ आयोजित सेवा राहें समृद्धि क्षेत्रीय कार्यशाला गी संबोधित कीता। एल.जी सिन्हा होरें प्रधानमंत्री नरेंद्र मोदी हुंदी अगुवाई च होई दी ऐतिहासिक तब्दीलियें ते 3 स्तरी पंचैती राज प्रणाली राहें होए दे समावेशी विकास पर लोऽ पाई। उनें आखेआ जे बरे 2020 च केंद्र दी तरफा इक ऐसा जम्मू-कश्मीर बनाने लेई कम्म शुरू कीता गेआ जित्थें सरकार लोकें दे घरें तगर पुज्जियै उनेंगी सेवा उपलब्ध कराई सकै। उनें आखेआ जे लोकें गी पैहली तरजीह देने आले नजरिये कन्नै असें सार्वजनिक सेवां देने च क्रांतिकारी बदलाव आहनने दा कम्म शुरू कीता ऐ। उनें आखेआ जे 2020 च छड़ी 35 आनलाइन सेवां हिआं, जिसलै के 2023 तगर एहू 1100 कोला मती होई गेइयां। उनें इब्बी आखेआ जे जम्मू-कश्मीर ई-सेवा उपलब्ध करोआने च अब्वल रेआ ऐ। इस मौके पर बोलदे होई उपराज्यपाल मनोज सिन्हा होरें आखेआ



CM-Cabinet Meet

मुख्यमंत्री उमर अब्दुल्ला हों अज्ज श्रीनगर दे सिविल सचिवालय च मंत्रिपरिषद दी बैठक दी अध्यक्षता कीती। बैङ्क च जम्मू-कश्मीर च शासन गी मजबूत करने, विकास च तेजी आहने ते सार्वजनिक सेवाएं दी आपूर्ति च सुधार करने दे मकसद कन्नै केई प्रस्तावें ते नीतिगत मामलें पर चर्चा कीती गई।

<><><><><><>

CM-Add Cabinet Meet

तोआई, 18मीं तिब्बती पार्लियामेंट इन एक्साइल दा इक शिष्टमंडल बी श्रीनगर च मुख्यमंत्री उमर अब्दुल्ला हों गी मिलेआ। शिष्टमंडलै जम्मू-कश्मीर सरकार दे समर्थन ते खातर तवज्जो लेई आभार प्रगट कीता। एहदे अलावा जम्मू-कश्मीर च रवा करदे तिब्बती समुदाय दे लोकें दिएं दिक्कतें ते मुद्दें बारै बी गल्लबात कीती ऐ।

<><><><><><>

SMVD-Yatra

श्री माता वैश्वो देवी जात्तरा नै मौजूदा बरे च इक महत्वपूर्ण उपलब्धि हासल कीती ऐ कीजे जंदे रोज तगर माता दे दरबार च मत्था टेकने आलेश्रद्धालुएं दी गिनतरी 50 लख दे आंकड़ें गी पार करी गई ऐ। कुल 50 लख 70 ज्हार श्रद्धालुएं पवित्र तीर्थ यात्रा कीती ऐ। एह उपलब्धि पिछले बरे दी इसै अवधि दे मकाबले बड़ी मती ऐ। इसै अवधि दरान पिछले बरे तकरीबन 39 लख 84 ज्हार श्रद्धालुएं पवित्र गुफा दे दर्शन कीते हे।

<><><><><><>

Adv. Announcement

आकाशवाणी जम्मू दे प्रादेशिक समाचार एकांश ने प्हाड़ी भाशा लेई कैजुअल न्यूजरीडर-कम-ट्रांसलेटर ते स्टेनोग्राफर दे पैनल च शामिल होने लेई जम्मू-कश्मीर दे रौहने आहले 21 शा 50 बरें धोड़ी दी उम्मी दे इच्छुक मेदवारें कोला आवेदन मंगे न।

कैजुअल न्यूजरीडर-कम-ट्रांसलेटर लेई घट्टोघट्ट योग्यता कुसै मान्यता हासल यूनिवर्सिटी थमां ग्रेजुएशन ते प्हाड़ी भाशा दी शैल जानकारी दा होना ऐ। न्यूजरीडर लेई (प्रसारण लेई मुआफक) खरी अवाज दा बी होना जरूरी ऐ।

स्टेनोग्राफर लेई, घट्टोघट्ट योग्यता कुसै मान्यता हासल एजुकेशन बोर्ड थमां 12मीं पास होना ते प्हाड़ी भाशा च खरी जानकारी दा होना ऐ। कन्नै गै, कम्प्यूटर पर प्हाड़ी भाशा च टाइपिंग दी स्पीड 25-40 लफज़ फी मिंट होनी लोडचदी ऐ।

आवेदन दी हार्ड कॉपी 'हेड ऑफ न्यूज, रीजनल न्यूज यूनिट, आकाशवाणी, पंजतीर्थी जम्मू पिनकोड-180 001' दे दफ्तरै च (दस्ती) जमा करोआनी होग। एहदे कन्नै सब्बै जरूरी दस्तावेज ते आवेदन शुल्क बी होना चाहिदा (जेहडा वापस नेई होग)। सामान्य श्रेणी दे मेदवारें लेई एह शुल्क 355 रपे ते एससी/एसटी/ओबीसी मेदवारें लेई 265 रपे (18 फीसद जीएसटी समेत) ऐ।

एह शुल्क प्रसार भारती, आकाशवाणी, जम्मू दे बैंक खाता नंबर 10582387126 (एसबीआई मेन ब्रांच, हरि मार्केट, जम्मू) च ऑनलाइन जमा कीता जाई सकदा ऐ। आईएफएससी कोड: **SBIN0000657** ऐ। शुल्क जमा करने दे बाद मिले दे स्क्रीनशॉट दा प्रिंटआउट जां ऑनलाइन पेमेंट/ट्रांजैक्शन आईडी, आवेदन दे कन्नै जरूर होनी लोडचदी। आवेदन करने दी खीरी तरीक 19 जुलाई 2026 (ऐतवार) ऐ। मती जानकारी टेलीफोन नंबर 0191-2546658 ते 9697177241 पर लैती जाई सकदी ऐ। तफसीली इश्तेहार ते आवेदन फॉर्म साढी वेबसाइट www.newsonair.gov.in पर होमपेज दे अखीरै च 'Vacancies' आइकन पर उपलब्ध ऐ।



Traffic Advisory

श्री अमरनाथ जी जात्तरा-2026 कोला पैहले जम्मू-कश्मीर पुलस नै इक व्यापक ट्रैफिक ते जात्तरा परामर्श जारी कीता ऐ। आकाशवाणी दे जम्मू संवाददाता नै जानकारी दिती ऐ कि जात्तरा दे लंगघने दरान किश समें लेई नवयुग सुरंग च आम गड्डियें दे गुजरने पर रोक लगगी दी रौहगा। कश्मीर घाटी थमां जम्मू औने आहिलयें गड्डियें गी बडलै साड्डे 11 बजे कोला पैहले लंगघने दी इजाजत नेई होग जिसलै कि जम्मू थमां घाटी आहली बक्खी जाने आहिलयां गड्डियां दपैहरी 3 बजे दे बाद उत्थुआं नेई लंगघी सकंगन।



Mock Drill

अमरनाथें दी जात्तरा दी पछोकडै च सुरक्षा दे निग्गर बंदोबसत कीते गेदे न। एहदे तैहत अज्ज सुरक्षाबलें आसेआ जात्तरा दे जम्मू आहले आधार शिविर च भ्यास आहली माकड्रिल दा सरिस्ता कीता गेआ जेदे च राश्ट्री सुरक्षा गार्ड, एनएसजी, जम्मू-कश्मीर पुलसै दे विशेष कार्रवाई समूह एसओजी ते सीआरपीएफ आसेआ सांझे तौरा पर भ्यास कीता गेआ। इस अभ्यास दा मकसद जात्तरा दरान बक्ख-बक्ख सुरक्षा एजेंसिएं बश्कार तालमेल गी यकीनी बनाना ऐ। स्हाडे जिला संवाददाता राही कपूर दी इक रिपोर्ट



Cyber Police Ramban

साइबर पुलस स्टेशन रामबन नै गोआचे दे 35 मोबाइल फोनें दा पता लाइयै उनेंगी बरामद कीता ते उनेंगी उंदे मालकें तगर पुजाया ऐ। फोन गोआचने दिएं शकैतें पर कार्रवाई करदे होई पुलस स्टेशन दी इक विशेष टीम नै एह्दे पर कार्रवाई शुरू कीती जेह्दे च जांच शुरू करने कोला लेइयै ट्रैकिंग प्रक्रिया राएं फोनें दा पता लाना, उनेंगी बरामद करना शामिल ऐ। ओह्दे बाद सारियां ओपचारिकतां पूरियां करी लैने दे बाद एह् मोबाइल फोन उंदे मालकें दे सुपुर्द करी दित्ते गो। एह् सारी कार्रवाई एसएसपी रामबन हुंदी दिक्ख-रिक्ख ते मार्गदर्शन हेठ कीती गेई। इस बारै जानकारी दिंदे होई रामबन दे अतिरिक्त पुलस सुपरिंटेंडेंट मुजीब उर रहमान होरें दस्सेआ

<><><><><><>

Sabzi Mandi

जम्मू पूर्व विधानसभा हलके च स्थित परेड ग्राउंड कश स्थित ऐतिहासिक सब्जी मंडी दे पुर्नविकास लेई जंदे रोज विधायक युद्धवीर सेठी होरें नींह पत्थर रखेआ। लक्ख रपे दी इस परियोजना दा मकसद शैहर दी 88 करोड़ 5 क बनाना ऐ। जम्मू म्यूनिसिपल कारपोरेशन दे सब्बनें शा पराने सब्जी बजारें चा इक इस सब्जी मंडी गी आधुनि कमिशनर ते जम्मू स्मार्ट सिटी दे मुख् कार्यकारी अधिकारी डाक्टर देवांश यादव होर बी इस मौके पर मौजूद हे। इस परियोजना कन्नै विक्रेताएं ते खरीददारें लेई बेहतर बुनियादी ढांचा/ साफसफाई-/ ट्रैफिक प्रबंधन ते होर बेहतर सुविधां उपलब्ध करोआइयां जागंन। एह्दे च कवर कीते गेदे वेंडिंग शेड/ दुकानें दे नमें ब्लाक/ उन्नत जल निकासी/ साफसुथराई दियां सुविधां शामिल होगंन तां जे इक मता संगठित ते गाहकें अनुकूल बजार वातावरण - बनाया जाई सकै। JMC कमिशनर डाक्टर देवांश यादव होरें इस परियोजना बारे होर मती जानकारी दिंदे होई आखेआ

<><><><><><>

Weather

कश्मीर प्रांतै दे केई सारे हिस्सें च कल बरखा बरने दे बाद समूलची घाटी दे मौसम च चानचक्क बदलाव दिक्खने गी लब्बै करदा ऐ जिसलै कि जम्मू प्रांतै च मौसम आमतौरा पर खुश्क बने दा ऐ। उआं किश इलाकें च गासै पर बद्दल घनोए दे रेह ते कुदरै दा बी हल्की कनी कनोन दे अलावा बरने दी कोई जानकारी नेई ऐ। मौसम विभाग नै 26 जून तगर मौसम आमतौरा पर खुश्क बने रौहने दी तवक्को दस्सी दी ऐ, उआं किश-किश थाहें पर हल्की बरखा बरी सकदी ऐ। 27 ते 28 जून गी किश इलाकें च धूड भरोची अंधी झक्खड़ चलने दे बी असार दस्से गे न।

<><><><><><>